

海陽縣志卷四十四

列傳十三

列女^上

明

郭氏真順邑龍溪鳳廓鄉人歸潮陽鄉賢周伯玉伯玉名瑤以字行少負志節好讀書元至正中舉茂才異等不就隱居自樂與氏相敬如賓時稱海濱冀子氏幼聰慧父教諭授以書輒不忘通經學旁及子史百家能爲詩尤長於古爲人有智識善談論當世是非得失事了了胸中片言決斷雖老於謀者無以過也元末大亂盜起從伯玉避居村寨眾方思嘯聚以聯絡守望保鄉村爲名聞

海陽縣志

卷四十四

列傳十三

一

伯玉故長者將奉以主寨事氏曰寨中諸少年方驍桀自用不相下而君爲禍首不亦愚乎伯玉曰吾已許之矣奈何氏曰第稱疾勿往請爲君謝之居數日眾來促氏再拜謝曰公等不知伯玉無能謬推重寄不幸福薄災生當幾疾作願公等熟計更立賢者眾然其言引去別求立之未幾以意見不協殺所主者自相雄長寨中大亂爲鄰賊所陷伯玉得免初寨中多農賈儔相尚積粟氏獨勸伯玉分散之無餘藏日暮索絢人莫喻其意至是賊入盡燔所積聚伯玉引繩繫妻子併自縛如被掠者賊不以爲意也乘閒得脫至溪頭寨居焉明太祖定天下指揮俞良輔奉命徇潮州征諸寨之未服者兵將入寨氏時年六十作頌俞將軍引一篇遮道上

之其辭曰將軍開國之武臣早附鳳翼攀龍鱗煙雲慘淡蔽九野
半夜捧出扶桑輪前年領兵下南粵眼底羣雄盡流血馬蹏帶得
淮河冰灑向江南作晴雪潮陽僻在南海瀕一作濱十載不斷干戈
塵客星移處萬里外天子亦念遐方民將軍高名邁前古五千健
兒猛如虎輕裘緩帶踏地來不減襄陽晉羊祐此時特奉聖主恩
金印斗大龜龍紋大開藩衛制方面期以忠義酬明君宣威布德
民大悅把菜一笠誰敢奪黃犢春耕萬隴雲鼇厖夜臥千秋月去
歲壺陽戍卒時下車愛民如愛兒壺山蒼蒼壺水碧父老至今歌
詠之欲爲將軍紀勳績天家自有麒麟筆願續壺民歌太平磨厓
勒盡韓山石俞得詩大喜一寨得全氏修辭之力也洪武中舉伯

海陽縣志

卷四十四

列傳十三

一一

玉賢良方正氏又止之曰衣繡入廟欲爲孤犢得乎乃不就有子
三碯礪礦皆以儒術顯祿於朝氏百二十餘歲時伯玉與礦俱先
卒里人高其行崇祀鄉賢而氏以年老一省母家作歸甯自敘其
辭曰天甲年來度二週暮桑榆景雪盈頭五經立業儒家雅三子
成名壯志酬喬梓有光聯俎豆柏舟無憾泛橫流階前蘭玉森森
秀斑綵扶來到首邱又數年卒年一百二十五歲遺命勿修佛事
勿焚楮鏹所著有梅花詩集見藝文 據周志 鹿洲集 參修
林氏舉人鄭廷諤妻諤上公車卒於道遺孤四歲氏捐簪珥迎櫬
歸矢志不二正德間推官鄧璞周以粟帛孀居六十餘年據張志 修
林氏揭陽漁湖人給諫薛宗鎧妾嘉靖乙未鎧疏劾太宰汪鋹廷

杖死妻丁氏哀毀不能起諸穉環泣姑頽然哭子且爲媳哭撫諸孫又哭氏時年十八已絕粒數日旣而曰誤矣吾惡乎死乃起視事上慰下撫閒關扶櫬南歸甫抵家而丁氏歿未幾姑又繼歿經理三喪以次畢婚嫁井井有條子若女不知爲嫡出也年五十九卒萬曆甲寅奉詔旌表曰忠門奇節

據周志修

陳氏余廷瀚妻年二十五廷瀚卒甘貧守節撫教遺孤金鼎旣成立亦卒金鼎妻葉氏年甫二十痛姑少寡夫無後誓死不貳竭力奉事陳氏年至七十二卒葉氏蔬食三年節操愈堅府縣據其事上聞表曰雙節嘉靖十七年詔旌其門

據張志修

陳氏舉人謝澍妻年二十一澍卒遺孤良相亦中殞姑蘇氏在堂

海陽縣志

卷四十四

列傳十三

二二

不能自給陳氏竭力奉養姑病癰爲舐癰病目爲舐目姑病隨愈鄉人稱爲孝感蘇氏壽八十終陳氏孀居五十九年孫婦三亦年幼守節蓋感陳而化者嘉靖二十二年詔旌其門

同上

蔡氏蔡伯珪之女爲章漠妻漠出游囑氏以善事老母漠道死喪歸氏撫棺慟哭曰君以老母囑我若不奉以終身死何以見君地下自是事姑益恪未幾姑次女死其長女壻張元森議以氏繼婚氏持不可元森夫婦入據氏室逼氏於外氏依宿夫柩旁元森乘夜又欲犯之氏怒罵不已輒誣訴於姑姑惑女言反嫉氏氏以情告姑不聽見卽詬之氏憂憤成疾乃以簪珥歸於姑夜投河鄰婦王氏覺而赴救慰解至旦鄰婦起如廁氏遂持刀自刎鄰婦亟救

之元森起抱氏時氏目未瞑瞪視見元森作勢仆地齧其舌以死
年三十鄉里哀之邑人盛端明爲作章婦行上同

周淑妹生員周大奇女及笄未字嘉靖癸丑秋忽一日蚤起理髮
家人見其髮上燦然有光異之越三日島夷入寇被執堅不行賊
怒揮刀削其臂及面頸凡四創仆地賊以爲死棄之去竟不死郭
御史按部異之旌曰凌霜復命縣官給奩歸陳氏上同

邱氏婦嘉靖己未正月倭破城婦歸甯與其母及妹皆被掠行至
萬里橋倭相謂曰有二女在釋母使去驅二女行過橋及半度母
已遠遂投橋下死妹亦死焉上同

吳氏女嘉靖庚申倭陷銀湖里執吳氏女獻之酋長大喜女罵哭

海陽縣志

卷四十四

列傳十三

四

不止酋長怒奮刀斷其臂罵愈厲殺之上同

閔氏生員洪兆亨妻嘉靖壬戌冬倭突至氏被執不肯行倭懼以
刀氏仆地不起刃其腹三死之上同

陳門三烈婦隆慶元年倭寇亂劫掠至本邑時東莆都沙溪頭鄉
陳南庭之媳長潘氏爲陳少庭妻次王氏爲陳平湖妻三王氏爲

陳蒼湖妻聞寇將至懼爲所辱俱於四日內投河死據採訪冊修

陳氏澄海漁洲陳淵泉女隆慶丁卯年十八適邑諸生楊桂標氏
秉性靜正衣服飲食雖細必謹事舅姑處妯娌無閒言半載歸甯
值巨寇林道乾亂隨母暫避舅氏家吉貝隴寨寨陷氏同母若嫂
遁郊原已離賊所因母仆地扶母起賊眾猝至母子皆被執賊舍

其母挾氏偕行義不受辱厲聲抗賊賊怒殺之尸浮江澣面如生

里人哀而斂之時戊辰正月十三日也

據周志修

鄭氏海陽人歸大埔廩生戴邦玉執婦道甚謹以女紅佐養隆慶

二年海寇林道乾掠南郊氏自母家還大埔舟甫發而寇至氏度

不免遂負其子投江死

同上

附薛虞畿海濱烈女傳略慨自攜捨肆禍生民流血者十數載塗
穢人類幾於滅絕而傾覆流離之日設義仗節以防其禮教乃獨
見於閨幃笄膩之人噫難矣嘉靖癸丑冠山周淑妹以罵賊倡後
大亂婦女以烈死者數十百人皆莫能識傳之者惟山頭陳女以
下十數人蓋得諸故老儒生所聞見及同難者所目擊幸脫須臾
無死而述之其人蓋亦義激於衷不欲終泯其烈而此十數女者
或藉以有聞耳否則將不與數十百人者同汶汶哉嗟夫人情樂
生惡死孰無苟免之念而此數十百人者乃不恤一身之死以任
綱常之重豈以綱常者專為此輩設而顧區區舍生以植之耶然
而有傳不傳若此雖然彼則以為不愧一時縱不傳何害其心以

海陽縣志

卷四十四

列傳十三

五

為苟遂一時而無玷即不傳亦為之也傳之烈女如左

林氏在城長養坊人萬曆辛巳年十八適鄭朝相入門僅半日未

合盥夫犯疫亡婦仰天號泣願相從地下遂於是夕自經學院莊

臨潮試士聞其事為作詩以弔之

據採訪冊修

周氏年十八適陳邦文四年邦文病卒舅姑憐之議他適氏不可

舅姑連喪氏削髮為尼捨宅事西方教萬曆乙酉卒鄉人塑像祀

焉

據張志修

謝氏五娘邑女子聰慧絕倫能詩著有讀月居詩一卷

見藝文

國

朝錢牧齋選其詩九首入列朝詩閨集春日偶成云乳燕銜泥春

晝長倚闌無語立斜陽桃花紅雨梨花雪相逐東風過短牆感懷

云四面簾垂碧玉鉤重重春院鎖深愁天涯行客無歸信花落東
風懶下樓春晚云新綠園林雨過時黃鸝無語恨春歸楊花怕逐
東風去搭住闌干不肯飛七夕遇雨云乞巧傳杯不暫停人間天
上兩關情西風吹斷牛郎淚灑落簾前作雨聲柳枝詞云灞水橋
頭日正長梳風沐雨是垂楊可憐千縷黃金綫不與離人繫斷腸
感懷云百歲姻緣一旦休三生石上事悠悠無梁雙陸難歸馬恨
點天牌不到頭千里月明千里恨五更雨響五更愁東風去後花
無主任爾隨波逐水流秋日得書云征人天外怨離居近接清江
錦鯉書明月似環人去後碧天如水雁來初梧桐葉落頻驚夢菱
鏡塵封久罷梳願作飛塵隨遠道乘風猶得上君車竹夫人云青

海陽縣志

卷四十四

列傳十三

六

奴何事漫相輕封號今同虢國榮九夏專房非在貌一身空洞若
爲情君恩本自無心得婦節從來徹骨清歎惜班姬秋後扇半生
幽恨幾時平寄懷云憶昔分攜在柳陰奇山上望桂山岑手牽玉
藕絲難斷口嚼青茶苦自禁古鏡不磨難對影銀缸未燼尚留心
一春孤館同誰語芭雨桐風夜夜深今詩卷已不傳據周志古瀛
詩苑參修
陳氏年十六歸李純庵四年而寡二子長三歲次遺腹育之成立
年九十餘卒天啓二年建坊旌表據張
志修

劉氏溪口人適鶴塘陳循易崇禎庚辰循易遠出授徒翁騰漢患
急病危甚氏丙夜禱天割股作湯以進不令翁知也病旋愈延壽

四年

同上

余氏生員張大羽妻年二十而大羽卒遺孤鉞尚在襁褓母憐其年少欲強以易志氏泣曰夫死有幼孤在忍舍之乎會姑病跪進湯藥焚香祝天願以身代鉞長親教之後爲嘉興訓導御史兩表其門

同上

曾氏李標妻年十九歸標事姑稱孝謹標苦學早亡氏纔二十有一遺孤方數月矢志靡他忽隣火發延燒十數家氏扶姑出避得免時謂孝節之感郡縣表其門

同上

盧氏年二十七夫朱惠病卒遺孤祐甫十月家甚貧氏勤紡績以供姑閭里稱之歲乙巳御史陳儲秀旌其門

同上

黃氏林慶妻慶疾自知不起呼曰汝年少吾死可更事人氏泣誓

海陽縣志

卷四十四

列傳十三

七

曰吾懷二心犬彘不食卒秉節終身

同上

二陳女一爲陳注女少字王繹將婚繹卒女聞訃輒自縊母救免既有問名者不使女知女微覺遂不食卒一爲陳亨季女陳悅娘幼字莊未嫁而莊卒聞媒妁之言將自縊父母卒不能奪其志居處常依祖母歿年已四十餘矣

據張志周志參修

潘氏都諫潘大寶女適陳諒諒蚤卒無子姑薛氏以孀節聞而心獨憐潘少潘知其意泣曰姑以節終婦獨不能乎矢志靡他姑有心疾不便起臥潘氏設一版於牀前護之積四十餘年不少懈事

聞建坊旌表

據張志修

陳氏歸鄭某年十九而孀撫孤週歲繼姑迫之嫁氏矢志不可以

完節終同上

黃氏黃丞爽女適生員余衍年衍年病卒氏痛悼不食旬日守者

稍懈登樓自縊死年三十據張志周府志參修

梁氏興化府教授梁岳女歸吳秉繩年十九秉繩歿遺腹生子元

昌族人利其產逼令改適氏泣曰若相逼惟一死以謝亡者爾輩

將被禍利復誰歸眾懼議乃寢孀居六十餘年茹素誦經朝夕不

出闔元昌補郡弟子員善事母能文章明甲申之變棄諸生服隱

於緇流卒漳州同上

劉氏生員梁之翰妻教授梁岳仲媳之翰年二十餘卒氏誓志撫

孤治家有健婦持門戶之力事教授公以孝聞暮年持素誦經壽

海陽縣志

卷四十四

列傳十三

八

八十無病而逝孤雷龍游泮早卒妻林氏與姑相依共厲苦節據張

志修

楊氏秋溪陳確軒妻年二十四確軒卒屢自經以救得免家徒壁

立奉姑甚謹有欲奪其志者氏拔刃厲聲曰所不即死者為老姑

及幼子在耳若爾吾血染衣矣時海寇猖獗鄉里多被掠至暘山

寨則曰此陳節婦鄉也不敢犯而去一方賴以全活同上

陳氏秋溪陳巖山女年十九適夫鄭謹確半載夫亡氏矢志靡他

遺腹一子依外氏家育之成立茹荼數十年年九十三卒族里嘉

其節勒石於秋溪頭巾峯墓傍同上

國朝

黃氏謝承旦妻鄉賢紹舉母也承旦卒紹舉甫周歲氏矢志靡他
事繼姑邱得懽心其曾孫廩生謝衍潛妻黃氏進士黃承箕之女
二十而寡誓死不二事舅姑以孝聞同上
曾氏上莆華美鄉楊某妻順治三年丙戌黃海如亂決南隄抄掠
氏懼淹沒具舟走稍後被掠賊見其少艾欲載之歸氏不應且怒
罵賊徐慰之因取他婦老者綁置碓上斬櫪爲圈加諸脰爇以火
故使叫號而緩其死以恐氏氏終無所怖既復縛氏給之曰吾殺
汝且縛且解如是者三而氏之怒罵愈厲賊見氏之終不可脅也
遂於石臼旁焚死之賊退同里沈璟葬其遺骸於原上黃廷鴻爲
之銘曰石臼烈烈既皜且傑其何能折同上

海陽縣志

卷四十四

列傳十三

九

吳氏沈良奕妻順治六年己丑郝尚久叛避地仙庭鄉賊許十一
等繫之奪刀自刎死據周志修

莊氏廩生傅躍妻順治七年庚寅七月遇盜被擄義不受辱自投

於河同上

翁氏賈人陳某妻伉儷甚篤順治庚寅陳以病歿有女才四歲氏
搜其貲數十金付夫弟贍女乃閉戶自經據張志周志參修

陳氏生員陳世德女適吳元會會早卒氏年二十引刀斷髮誓不
二天有遺腹女名三娘母子相依織紵持素朝夕供大士像與其
伯吳元良女大娘年十八同居庚寅兵變掠彩塘氏聞譁整衣哭
辭大士時三娘年十五察母有異扼袖哭曰母死兒必相從得早

見父母地下爲幸大娘知之笑曰天下豈有兩姓之婦哉孀妹能如是與爾同死三人潛開後門坐井邊衣裙環結及聞斧門聲急遂投井死越三日兵退元良歸緹三屍顏色如生聞者哀之人稱

吳門三烈

據張志修

邱氏恭娘在城人適趙氏子能詩順治癸巳郡城陷氏被擄北去過通衢題詩於驛壁云妾鳳城趙家婦也命薄罹難號死未遑旅次殘魂哀音恨句庶祈靈於雁使蚤合鏡於鸞班血灑官亭見者憐之辭曰十日離鄉音已稀愁眉生怕送殘暉天涯破鏡知誰在塞外悲笳去不歸望到故山心化石聽來杜宇淚沾衣五更畫角城頭月吹落旗亭促馬飛其小姑趙璣亦被擄繼至見而悲之因

海陽縣志

卷四十四

列傳十三

十

用其韻續題於後云兒與嫂共筆硯者四載矣癸巳城陷被俘至此見壁間詩知出嫂手嫂乎嫂乎兒和在斯倘嫂一日生還重過此地覩兒淚筆兒死猶生矣辭曰分明筆仗影依稀驚陣嘯鴉散夕暉去國竟成千古恨抱琴應共九泉歸才高柳絮餘香瀟命薄桃花卸舞衣淚眼相逢何日事一聲鼙鼓各魂飛

據古瀛詩苑修

謝氏玉娘揭陽人爲海陽文學陳藝蘅繼室詩才俊逸春暮云朱簾畫閣小橋東人倚東風對落紅何事柳眠鶯不起卻緣春事晚來空玉娘旣歿後降乩自言余本玉帝司香女以過謫人間尋召還置青霞洞主明苞仙荷良人哀念來相慰藉幽明永隔如何如何漫次良人見悼韻詩十八首奉答辭曰自別山郎玉鏡前香羅

暗溼淚珠鮮九泉本是多愁地買盡相思不用錢

同上

蔡氏如君饒平人適海陽舉人梁夢劍能詩有題竹云瘦節亭亭

欲拂雲半扶疏影到斜曛平生最愛徽之句何可一日無此君

周據

志修

鄭氏龍溪溜隴鄉郭賢妻賢爲諸生蚤逝氏痛不欲生旋念舅姑及祖舅姑重慶一堂侍奉無人遂勵苦節家貧紡績自給洗腆之供皆啻己以進素知書自課其子長昌時順治庚子鄉薦官武陵令歷署常德府通判及知府事次邦璿外出遽亡其妻蔡氏四川道蔡御史錡長孫女亦以苦節自勵順治癸巳九月十四日聞郡城陷氏泣曰吾家距城六十里寇將至奈汙辱何是夕哀謝所生

海陽縣志

卷四十四

列傳十三

十一

及姑氏恩投於井死族人私謚曰貞烈名其井曰貞烈井遺址猶

存

據採訪冊修

陳氏諸生陸光第妻順治癸巳郡城陷氏懼辱赴井不死復引刀

自裁其時有吳氏者宗伯黃錦冢子側室也亦同日赴井

據張志修

林氏文學黃高標妻順治癸巳郡城陷氏懼難護姑挈孤遠避

食貧孀守孤旋逝婦李氏亦矢柏舟操姑媳共撫一孫旣孫又殤

擇族子生員黃際會爲嗣又林氏黃龍載妻芳年孀守遭亂織紵

食孤旋孤天婦徐氏亦矢志靡他事姑甚謹又黃氏東鳳陳以薰

妻早歲失所天於兵亂之時奉姑克孝夫弟峻以子監生龍藻嗣

之又龍氏劉四諫繼室于歸三載而寡力撫八月遺孤又陳氏劉

紹臣妻夫卒母強易志不從遭亂險阻備嘗節操益堅祭祀尤將誠敬又梁氏文學黃應蘭妻喪所天遺一女夫弟華以子巘嗣之已夫弟三人相繼歿竭力事姑遭亂備歷艱險巘又早逝有孫三人纘紹給氏命纘嗣四房紹爲華後留給與紹長子嗣已其明大義如此又蘇氏謝紹禧妻夫卒遺一孤家貧遭亂能保身遠害督學張公明先旌曰勁節遐齡俱同上

黃氏登雲人上莆楊鍾利妻遭亂喪所天攜三孤奔竄棉湖教子課女壺範嚴肅於流離之際全貞保孤誠苦節而具智勇者男德崇德賢俱以子貴封郎官孫世榜官行人世達湯陰知縣曾孫宗雯武進士重慶守備孫曾列明經泮壁者十數人皆氏訓也同上

海陽縣志

卷四十四

列傳十三

十一

王氏太僕寺丞王昂曾孫女適東莆盧京事繼姑至孝乙未海寇破寨姑踞賊乞命賊拔刃砍姑氏以身抵刃姑婦俱無傷賊舍之去人以爲孝感云卒年七十四鄉人念遷地時氏能減餐恤飢皆哭之出涕同上

謝婦佚其氏從夫攜一子自饒平來僑居蔡家圍夫卒婦年尚少矢志孀守家貧無親戚仗助惟紡績自給子謝壽傭力佐之獨居一室戶庭肅靜乙未疫母子俱逝里人義而斂之同上

陳氏諸生黃曠妻避亂關竹山左寇至被擄罵賊不行賊怒剗刃於其腹以死同上

朱氏崑山相國天麟女相國以國事攜家過潮與太僕梁應龍爲

同年友雅相得遂許字其中子國棟旋別去展轉滇黔音問不相
知者十年國棟已長食餼於庠遂娶揭陽中舍李士璞女至某歲
吳中士大夫招相國魂沈夫人母子始由南中扶櫬繞道抵佛山
以書約太僕迎婚舉宗惶駭新婦李氏獨怡然疏大義翁姑前趣
夫命駕太僕則挈子佛山謝夫人告以實夫人曰顛沛各天固也
先夫遺言義不可背必歸之成禮之夕姑姊姒慶於堂李新婦迎
於閣既廟見朱李相歡如兄弟不以婚嫁先後齒也無何國棟歿
李一女朱一男皆甫週二女矢志孀守撫孤孝事舅姑全節以終
里人王應華爲作一閨雙節傳據張志采訪冊參修

成氏適趙桂亭夫死自縊時年二十五據周志修

海陽縣志

卷四十四

列傳十三

十二

陳瑞娘監生陳玉鼈女許字饒平吳秉洲未結褵夫亡聞訃仰藥
死與秉洲合窆於湖山之麓同上

郭龍娘貧家女也受李子來聘未卜吉而夫病亟女寢食俱廢旋
聞訃整衣赴井死同上

周氏觀察使周宗禮女孫少司農林熙春孫婦上林苑監生益封
媳也夫紹綜邑諸生年二十生子二未幾紹綜卒氏年二十一誓
以身殉舅姑諭以從死易撫孤難婦當爲其難者乃勉撫兩孤教
督不少假以婦代子生事葬祭無越禮兩遭叛鎮之禍艱險流離
卒免於難人以爲節孝之報年八十五建坊旌表子有源應璧
皆歲貢應璧任昌化教諭孫世榕康熙己酉舉人官陝西藍田縣

氏猶及見之同上

林氏歸仁都古巷陳勉易妻年二十四勉易卒矢志孀守姑楊氏病劇刲股代藥不令姑知姑病立痊歿葬本都虎眠坑鄉人名爲割股墓裔孫世英登雍正丙午賢書同上

宋氏貢生宋兆榕女年十九歸舉人吳啓晉爲繼室二十六歲啓晉病亡一子未週歲柏舟自矢孝養舅姑誨子成立讀書爲一鬻

儁苦節三十年知縣金一鳳詳請

旌表

據張志修

林氏徐茂槐妻進士徐上母茂槐蚤卒時澄邑寇變鄉井化離氏挈子居郡城爲海陽人日勤紡刺夜則篝燈課子一飯一粥猶節食以餉貧者康熙癸卯上舉於鄉癸丑成進士氏每念夫不及見

海陽縣志

卷四十四

列傳十三

十四

輒歔欷泣下暮年猶手續不倦自奉如貧時上銓期將及以母老不忍離氏責以大義遣之行卒年八十九同上

施氏金沙寨曾景唯妻康熙二年癸卯遷海界上莆諸鄉民俱徙內地氏隨夫流寓江右景唯卒於贛遺二子氏孀守撫孤僑居於贛以女紅自給嗣聞海禁弛民復故業氏攜夫骸骨偕幼子度嶺露宿風餐獨行千餘里抵家歸葬教二子皆成立故人以爲難卒

年四十二

據周志修

張順娘下底鄉人年十七適鶴塘陳成甫一年成死於虎氏號哭入林莽中拾殘骸徧舐其血負以歸旋入室割喉垂斃姑救之復甦母慰之亦不答罄簪珥辦喪事母去氏執手泣曰兒從此辭矣

次夜自縊時康熙十二年癸丑十二月三日也距夫死十有六日
二十二年建坊 旌表 同

梁氏進士梁猶龍女適劉茂翮年二十四夫死矢志堅守事孀姑
以孝聞康熙十三年甲寅潮鎮亂氏攜子避寇險阻艱難中猶篝
燈紡績教子讀書四子皆成立次子注康熙己卯舉人任江陵平
谷二縣令均有聲年七十餘卒康熙五十一年 旌表 同

吳氏文學蔡穎嗣妻穎嗣優文行賁志沒氏事姑盡孝姑八旬病
目侍奉三載不怠撫三孤成立長宗洙邑諸生次李檉舉於鄉孫
開隆膺選拔蓋得母訓云督學惠公士奇表曰松節荻文 據張志修

莊氏文學蔡斯庸妻喪所天孀居足不踰閨事舅姑至謹撫二孤

海陽縣志

卷四十四

列傳十三

十五

成立長元蔚能孝於莊督學惠公士奇以守貞教子旌之又以青
元蔚衿獎其孝 同上

林氏儒士楊鍾球妻前湘陰令殉難開姪孫婦青年矢節家貧糞
事八十歲翁生養死葬皆無憾課子勉紹家學長澄漢充諸生眾
聞其孝節於惠公士奇表其閭曰忠節紹徽 同上

毛氏潘元新妻年十六于歸伉儷相敬如賓姑病侍湯藥寢食俱
廢康熙乙亥夏元新病亡一慟不再哭視襚殮畢卽扃戶引刃自
剄家人聞臥內有聲排闥入氏左手抉其喉右手執刃血如泉湧
以死知縣金一鳳爲詳大府旌扁曰捐軀完節並爲之立傳 據張志周

陳寶娘府小吏陳子穎女也幼聰敏有弟讀書旁觀輒成誦通孝經內則以古賢女自期代母操井曰食貧作苦循循乎大家風範焉年十二許字邑人黃士振士振父開春太學生也辛巳捐館舍女聞撤簪珥疏衣粥食越晷未嘗一華飾里人方嘖嘖孝行以爲賢且知禮未幾而士振訃至矣時在機失梭昏仆坐地拊膺慟哭少閒請奔喪父母不許女歎曰夫者天也旣失所天有死無二然必親治三年之喪始盡未亡人之禮今二親旣不我行死且留餘憾夫母劉氏勸慰之泣曰兒非不念父母自甘不孝顧婦人以貞信爲節虧節辱親不孝尤大伯母侯氏孀守者教以在家守義可慰父母心完貞志節孝兩得女曰伯母苦節乃爲孤弟在懷宗祀

海陽縣志

卷四十四

列傳十三

十六

爲重兒所處不同各行其是而已遂絕飲食三日水漿不入口出笥中手迹少時珍玩雜物悉焚之書籍筆墨付諸弟勉以讀書泣數行下父母防之密不得死佯改容機聲軋軋若無事者舅氏劉亮夫至多方寬諭慨然佯諾父母以爲信防稍疏治觴款舅忽而雷雨大作家人曬衣服者急走收之則見女已自經瓜架閒疾呼不應急解下死矣雖甚雨而衣裙無沾翼日形神不改於篋內得遺詩一首有奔喪違妾願迅步逐郎蹤之句時康熙壬午六月二十有二日也年十八署海陽令安定枚潮守梁文煊白其事於上憲以格於例未題旌檄遣致祭給匾褒之夫家迎其喪合葬於百

文埔之原

據鹿洲
集修

盧氏潮州鎮總兵薛受益妾也先是受益仕閩爲建甯副將清明日出游於郊遇婦女結羣祭掃先墓有女郎衣黑衣跨驢巾帨裙履皆如墨飄飄不類人間媛也受益以爲異縱馬觀之風來帨起奇麗非常詢從者知爲府小吏之女年及笄未許人受益屬郡守求爲貳室強委禽焉入門受益遷潮帥盧隨任之潮旦夕事主君甚謹動止皆有禮法受益及嫡妻屠氏皆愛之受益多內寵好交游客多拜受益爲義父者於是諸姬皆有義男年節帨辰稱觴上壽甚噪盧獨拒不納曰焉有二十歲之母得三四十歲兒乎時仲山坑開銀礦鎮轅月有陋規每至盈千百諸姬攘臂競攫之受益以爲笑盧凝立不動卽與之亦不受曰無所用此居久之受益以

海陽縣志

卷四十四

列傳十三

十七

疾卒諸姬慟甚盧從容如禮舉哀數聲而已見嫡氏哀毀反勸慰謂死者不可復生夫人幸爲兒曹強自愛勿過悲傷恐生疾妾當從地下侍巾櫛耳諸姬掩口挪揄之越翼日盧櫛縱笄總衣紳綦履內衣縫紉相連極緊密上堂向嫡再拜曰妾不才事夫人不克終今將隨先君入泉臺矣屠夫人泣曰若年少母自苦若未有子女虛負一生吾當爲若善處之盧謝曰妾志決矣諸姬猶竊笑且恚曰撒嬌耳哭且不盡哀何有於死盧悉出平生所積蓄簪珥衣服朱提玩好鍼黹雜物遍遺室人然後及其母其父其兄皆拜辭道別衆以好言慰諭亦未遽信也還入室取繒帛爲纒挂櫺架上投而逝家人大驚喧傳潮郡守梁文煊聞之遽往視曰烈哉風化

所關不當置屍側室命舁出中堂視含斂拜而奠之司馬別駕海陽令丞尉各營將弁及鄉士大夫皆往拜厝其棺于受益之旁時康熙四十一年秋八月二十七日也受益山東人事母孝時稱薛孝子盧氏閩之建甯人殉節時年二十有八歲

同上

謹案薛受益非邑人而官於斯土其姬盧氏在郡署殉節例得附書

莊氏鳳隴諸生薛馨源妻馨源早卒氏痛不欲生以首觸棺血涔涔不止翁姑諭以大義乃不敢死事二人盡孝凡問視必與兩幼兒偕蓋以慰老人心也次子洵助以監生考授州同知康熙五年六年 旌表庶吉士莊論爲之立傳

據採訪冊修

海陽縣志

卷四十四

列傳十三

十八

許氏江左觀察許日熾胞妹年十八適諸生鄭南金倡隨甚歡康熙六十一年壬寅南金病故氏年二十六有遺腹忍死爲鄭氏存一綫果舉男未幾翁姑相繼歿殯葬大事皆氏獨辦夫弟甫二歲乳哺必先視所生倍摯苦節三十餘年弭患禦侮卓有定識爲巾

幘完人

據周志修

夏氏龍湖鄉人進士戶部郎中夏懋學姪孫女適黃一鳴年二十二一鳴卒矢志自守學憲吳鼎元旌以匾曰冰膽松操子仕顯亦蚤卒媳許氏進士廣西按察使司許日熾姪女廩生許瑗之女年二十四孀守貞心苦節與其姑同

同上

徐氏進士徐上女適龔朝佐歸甯朝佐與偕溺死氏寢處尸側飲

其敗液既稱未亡人撫遺腹女事姑孝謹苦節十餘年卒陳王猷
弔以詩云冰心一片報卿卿水府蒼茫恨未平淚滿殘尸還共夢
嘸餘碧血已無聲孀閨撫女艱全命垢面將姑矢志至誠苦節人間
誰得似千秋地下有陶嬰

據張志修

林氏李賴貴妻年二十賴貴病卒氏懷妊數月姑以家貧無資勸
其改適氏矢志守節越四月產一男取名策室如懸罄而氏紡績
奉姑備盡孝養並以餘資備脩脯遣策就學策長通律法戎行著
勞皆氏訓督力也卒年七十四鄉人聞其事於有司表其閭曰節
堪風世

同上

鄭氏盧養正妻年十九于歸越二年養正歿氏痛不欲生因有遺

海陽縣志

卷四十四

列傳十三

十九

腹且姑在堂不敢死既產男輝明自幼知書頗能成立年二十又
以疾亡育孫男二皆氏撫養其媳王氏亦感姑節孝終身不二里
稱一門雙節云

同上

楊氏足娘仙樂鄉人年二十歸秋溪陳王熙爲文學陳藝蘅庶婦
姑黃早卒事翁及繼姑角以孝聞二年王熙歿氏欲以身殉常以
頭觸石遇救得免乏子嗣惟時抱一五月女孩繞夫棺哭甚哀聞
者隕涕及夫將葬氏請於翁願穴其旁既外家欲奪其志氏哭且
罵絕粒數日言者慚阻無何翁貧甚令與寡姒婦及諸叔析箸計
所得不滿十金氏與幼女常至凍餒處之怡然而向之欲奪其志
者至是復爲言氏大慟如初欲引刀自裁外家知其志堅乃已閱

十二載病劇請翁許遂昔年同穴一言囑畢而瞑其姒婦蘇氏亦少年孀苦一門雙節云

同上

黃氏汧陽令黃士魁女歸貢生林元貴夫亡以死自誓舅姑偵其意立嗣令撫乃已姑疾躬侍湯藥姑止之對曰兒以婦代子者也又陳氏秋溪丁達春妻夫死孀守敬事寡姑撫育孤兒姑病臥牀數載侍湯藥滌汙垢晨夕不離又謝氏孝廉謝簡撰女廩生楊鍾壘妻年二十五而寡事親撫孤三十餘年如一日又楊氏監生梁省潛妻喪所天撫六月遺孤事適姑庶姑甚謹又陸氏曾良在妻守節撫三歲孤雛又胡氏陳元卿妻元卿卒矢志不二敬事舅及庶姑皆能孝勤儉治家言不踰閫數氏皆前後一旌表

同上

海陽縣志

卷四十四

列傳十三

二十一

楊氏庠生楊鍾巒女歸文學梁易五載夫亡勉事舅姑娣姒十人食指繁盛氏爲冢婦知書算健持門戶一門無閒

同上

蔡氏澄海人適邑東廂劉紹明夫疾篤謂之曰余喪父母鮮兄弟呱呱三孤惟子是賴蔡泣受命遂矢志撫孤以終

同上

劉氏文學蔡時揚妻夫亡孀守二子世懋世澤事親羹湯必手作尋夫弟應昇繼歿乏嗣妻李氏亦矢志不二劉以次子世澤嗣之娣姒相依無閒言後世懋以諸生游大學世澤以韜略舉於鄉

同上

鄭氏適東鳳陳氏子夫亡守貞撫姪國英爲嗣又金砂蔡氏年十七歸吳世樓閱九月而寡遺腹產女堅不易志立嗣存祀始終完節又東廂蔡氏文學蔡林奇女適鍾封夫亡無子以族子嗣苦節

十餘年卒又吳氏廖可章妻守節撫二女族人爲之立嗣數婦以無子而能存夫祀其節尤苦

同上

吳氏庠生吳文子女邑諸生蔡成科妻芳年守節敬事舅姑撫一孤二女緝繡易炊旋子殤族人爲立嗣貧無以養族人又共養之又邱氏庠生黃廷瑩妻結褵五載遂賦黃鵠事親撫孤數十年無閒又林氏昌化司訓應璧女歸庠生方暹失所天撫遺腹男以存夫祀孝於姑及姑沒免喪子畢婚泣曰可以從我特矣悲慟骨立卒又廖氏東廂劉天德妻夫卒遺四孤織紵以食之又許氏處士梁士貞妻青年矢志力撫二孤長再來舉武闈又吳氏總兵蔡元子蔡相桐妻夫卒守節事庶姑能孝又黃氏文學梁日燉妻夫卒

海陽縣志

卷四十四

列傳十三

二十一

守節事翁姑以孝聞又鄒氏年十六歸豐政吳啓瑞未暮而寡力事嫡姑庶姑嫡姑廢目十餘年庶姑臥病三年去汙滌垢皆親之平居毀形瘠骨不改憂容

同上

蘇氏秋溪處士陳鴻可妻夫卒矢志不二事翁及繼姑甚謹撫孤宗緒又早逝婦王氏孀守奉姑亦以孝節著先是蘇之夫弟妻楊氏守節有傳載舊乘人稱一門三節云

同上

沈氏監生謝應麟妻夫歿稱未亡人事九十歲老姑撫四月藐孤辛苦備至事聞糧道陶公正中表之曰齊徽湛母

同上

王氏貢生林華峯妻年十九華峯卒誓柏舟操事舅姑及庶姑能孝夫弟貢生林隆夫婦早世撫其子女若已出如冰飲燮凡四十

年
同上

鄭氏陳厝隴鄉陳集千側室年二十一夫亡其子可瑚僅四歲教
養成立娶媳吳氏可瑚亦蚤卒姑媳孀守其孫文奎樂於施舍皆
奉二氏之訓及卒姑媳同葬一域邑人陳雄略爲作墓誌銘督學

汪鳴鑾表之曰一門清操

旌表錄修
據採訪冊

楊氏在城處士劉爲高妻年二十三夫卒氏矢志孀守勤紡績撫

遺孤太守毛公賜匾褒之曰節並松筠

據張
志修

陳氏諸生李儒望妻文童衍濤之母年二十而寡矢志不二敬事
舅姑里閭稱孝又辛氏衍濤妻卽陳氏之媳少年而寡姑媳相依
後先秉節人以爲難

同上

海陽縣志

卷四十四

列傳十三

二十一

曾氏山兜鄉林晟文妻年十八而寡生子僅數月家甚貧惟勤女
紅以供饗殮氏勵苦節凡七十二年五代同堂卒年九十

同上

李貞女父李華三少許字陳仲豪仲豪歿女年十五聞訃歸陳氏
立志守貞未幾翁亡翁尚有老母兩代孤孀女孝事無違雍正丙
午丁未海邑荐饑家道益窘姑諷以改嫁異言不入繼以威逼凌
辱百端一日有神降於庭姑驚愕仆地有頃始甦曰神罰我也待
之始厚兩姑歿喪葬盡禮年五十二卒嗣子諸生陳洪英與人言

未嘗不流涕乾隆二十年

旌表

據周
志修

鄭氏梁至良妻夫亡遺腹生男偶歸甯父母諷以改節不從強之
益力乃辭去行至廣濟橋大慟躍水死時雍正六年戊申六月朔

曰也
同上

王氏文學劉廷柱妻年二十一而寡勉事耄姑撫側室子以存夫

祀側室韋氏爲所感亦以節終

據張志修

李氏四川達州牧李炳正女諸生劉力譽妻年二十成婚未匝月夫亡氏痛不欲生姑見氏悲切防之密乃夜就氏寢氏潛泣枕席常帶血痕姑至輒作坦夷狀乃請於姑曰兒事舅姑日長見父母日短願得一見家慈死且無憾姑爲白於翁許之見家人多永訣語謂其母曰孀婦歸甯不合禮請從此辭兒不來矣母婉慰之再慘然升輿嗚咽連日不食姑察其意令諸婦更替伺守一夕以計給之去扃戶自經死面如生聞者無智愚皆淚下乾隆十二年

海陽縣志

卷四十四

列傳十三

二十二

旌表

據周志修

梁氏年二十適陳希陶閱五年夫病篤屬曰老親幼子將以累汝奈何氏泣曰死生以之子堯肅弱冠而歿媳江氏茹荼守節如其姑鄉黨稱爲兩代貞節乾隆十五年庚午夏日亭午會食梁氏忽聞戶外傳呼聲急趨視遂昏迷仆地家人悉出救俄而室中響聲如雷屋梁盡折覆壓家無完物而闔家老幼獨免梁氏尋愈

同上

謝氏年二十歸監生黃衍宏三載而寡撫夫兄之子爲嗣事舅姑以孝聞乾隆十六年 旌表

同上

劉氏年十七適龍湖儒童黃國賢貢生黃治易庶子好讀書有至性治易故多家譽國賢憂鬱成疾乾隆二十六年正月乙卯病劇

竟不起氏年二十有六哀毀誓不欲生家人窺其意日夜防 旣
殯氏曰吾有姑不能事有夫不能隨死宜耳奈藐孤何家人信其
言防漸弛三月乙巳晨起沐浴焚香靈座前禮拜畢叮嚀屬幼子
且訓且泣遂扃戶自經氏殉節距夫亡五十有一日幼子甫四齡
鄉里無親疏咸泣下氏檢討劉起振曾孫女也同上
翁氏水南饒砂鄉人年十七適同邑夏里張仲英乾隆癸亥孟冬
仲英病故誓相從地下因堂上翁姑哭子過哀奄奄垂斃氏跪而
言曰婦在以代孝養何自苦如此朝夕婉言慰之不敢作悲楚狀
彌月翁亦病故喪葬如禮復請立嗣以延夫祀謂諸姑曰吾事畢
矣遂閉戶自縊族戚無親疏莫不嗟悼同上

海陽縣志

卷四十四

列傳十三

二十四

王氏秋溪都人年十五適陳宗纘十載夫亡氏投繯者數祖姑角
氏姑蘇氏泣勸乃止勤操作以奉堂上兩姑瑩瑩兩孤兒常撫之
而泣聞者惻然氏頗知書口授二子孝經小學姑病篤拮据以資
藥餌氏兄王清任金門鎮總兵官尺書往來不及家計艱難瑣細
事迨兩姑相繼歿喪葬各盡禮二子先後授室氏稍慰曰恨若父
不及見也未幾二子俱沒各遺一孫氏偕兩媳矢節共守年七十
有八舉動必循禮法人稱一門三節云同上
潘氏監生潘乃軒女年十七適沈維祺越三載生一女維祺病故
氏投繯者數家人防之密得不死立誓苦守事翁姑甘旨無缺及
二親歿哀感路人撫繼子世金恩勤倍至迄於成立年七十卒同上

余氏年十七適王澤朝三載夫亡不數月翁姑又相繼歿遺孤甫週歲疊罹慘變家徒壁立氏清苦茹素勤操作自給有諷之改適者氏厲聲斥之鞠育孤子恩勤教誨無遺力越一紀氏病革語家人曰吾夫亡以四月二十日今諱日將近倘得同期赴夜臺吾願慰矣越數日沐浴而逝月日蓋先後不爽云

同上

梁氏劉貽敏妻年十八于歸甫一載貽敏楚遊屬氏代養二親未幾客死荊州氏聞訃慟不欲生姑勸之再乃止及夫櫬歸氏撫之痛哭曰君以二親屬我今舅姑年老嗣續未延何以報君地下於是強起操作奉舅姑加謹洎夫弟生子大川卽泣請於舅姑爲夫後舅姑相繼歿氏痛夫之不及視含斂也附身之物竭誠盡禮脫

海陽縣志

卷四十四

列傳十三

二十五

簪珥以營葬事卒年六十有五

同上

楊氏諸生楊世熙女中書儒經孫女也年二十適劉禧端六載夫歿氏欲捐軀以從因繼嗣未定越二年族議以嫡姪爲禧端後氏泣曰夫祀得延矣遂投繯死

同上

劉氏進士劉大河姑母適筆山陳凝年二十四凝亡氏哭絕逾時乃甦翁姑號於庭藐孤嘯乳淒然也氏雪涕曰生我者孰養我生者孰成是不可以死乃誓詠柏舟以績刺奉甘旨終舅姑身無缺子希屆旣壯氏老且抱孫闔以內嚴肅如少時雖三尺兒不整衣不見古云孀婦之門凜乎有軍容劉氏之謂也

同上

林氏蔡成之妻年十六歸於蔡生子三成之蚤逝氏時二十八其

父憐之諷以改適氏翦髮毀容抱木主而泣觀者皆爲感動茹苦三十年撫子女皆成立同上

莊氏龍湖鄉成鼓妻夫蚤卒撫養孤子成墉娶媳陳氏墉復病故姑媳孀守歷數十年操凜冰霜當道 奏請旌表建坊龍湖寨隄

邊同治辛未及光緒庚辰龍湖隄兩次被水沖決二坊俱屹立無

虞往來行人皆歎異焉據採訪冊修

林氏宏安鄉許萬榮妻萬榮外出營生病卒氏年二十五翁姑以家貧無所倚賴勸氏再醮氏矢志不貳翁姑決意醮之氏聞知自縊死同上

成氏龍湖鄉人適沙溪頭鄉陳經略年二十六產一子僅半月夫

海陽縣志

卷四十四

列傳十三

二十六

亡躬親撫養勤紡績孝舅姑卒年八十四孫朝佐婦李氏夙懷閨訓二十七歲朝佐亡婦以痛夫故致病隔歲亦卒同上

王貞女上莆都市頭鄉黃毅直聘妻毅直年十五未娶遽亡女聞夫故痛哭請奔喪父母阻之欲另擇配女泣曰婦人一夫而已既許字於黃義不改適願以身從父母見其情切送至黃家治喪女日夜哀痛不粒食月餘卒同上

陳氏上莆都市頭鄉人適黃英山年二十九夫歿家甚貧日夜績紡孝養舅姑撫育二子賢川魏川俱成立賢川子天保青年采芹旋卒妻郭氏年十九貞節自守以夫姊之子潮翰爲嗣甫娶媳林氏翰又卒林氏時年二十二擇鄰子爲嗣母欲奪其志氏聞之自

鳩亡同
上

吳氏龍湖劉朝光妻孝廉劉祖謨長媳氏年三十而寡家風淡泊氏上事尊嫜下撫遺孤絕無怨色子作元成立食餼膺歲薦皆氏教養之力卒年九十三同
上

張氏龍溪陳登寶妻年十七于歸閱七月夫故遺腹生女誓不他適親戚有欺氏少寡欲奪其田者愆憑改嫁氏曰田可奪志不可奪舍田歸之茹苦食貧以族子爲嗣又蚤死及女長出閣壻欲迎養於家氏不肯謂孀居以來足不出戶庭豈可出鄉而就壻養其以禮自閑如此卒年七十同
上

辜氏鳳廓郭彝德妻性勤儉夙嫺禮教姑先逝事翁極孝于歸二

海陽縣志

卷四十四

列傳十三

二十七

年彝德以外出亡氏聞訃號慟絕粒竟日死而復甦翻然曰婦爲夫死義也如堂上老翁何由是矢志柏舟家雖貧日勤績紉以供甘旨每進食必婉容愉色翁逝哀痛甚罄衣飾家具庀喪葬鄉人賢之爲紀其事以傳氏無子嗣其堂從姪輩感其節孝僉議共祀焉同
上

林氏鳳廓監生郭範光妻舉人郭留楫長媳有賢行能知大義夫亡痛不欲生翁舉古人梁媛巴婦苦節令姑婉勸之遂矢志孀守盡婦道得二人歡心乾隆閒建坊 旌表同
上

陳氏倪世剛妻河南知縣倪明進祖母年十七于歸伉儷甚歡夫亡氏年二十六矢志守節家故貧三孤兒嗷嗷待哺氏備歷艱辛

鞠育恩勤迄於成立長子賀清懋遷起家念母苦節稍得贏餘卽
援例請封以博親歡嘉慶十五年建坊旌表卒年八十三明
進拔貢猶及見之同上

莊氏在城莊家智次女適儒士邱鍵基年二十二而寡欲以身殉
因懷孕五月恐絕夫嗣忍死守節迨臨蓐得男矢志撫孤家貧以
女紅餬口寒夜雞聲刺繡未息嘗積數年鍼黹之資葬其翁姑後
遺孤步瑤長成以歲薦授德慶州教職子孫多采芹食餼道光閒
學院蔡賡颺賜匾褒之曰保昌貞嗣同上

鄒貞婦許氏東廂許宗殷女增生鄒吉聘爲子學潛妻潛年十五
暴疾卒氏年十六聞訃哀毀自矢靡他父嘉其志俾往守節足不

海陽縣志

卷四十四

列傳十三

二十八

出閨闈者三十餘年嗣子娶媳始有時步出中堂其守禮之嚴類
如此卒年八十六同上

黃氏東廂銀潭鄉人適西都鄉盧曜亭生兒二歲而曜亭卒時氏
年二十二偶歸甯父母憫其青年勸改適氏泣曰吾兒長大自能
成立何改適爲遂不食而返厥後不再往惟父母終一至奔喪蓋
恐復申前言也後其子生五男長孫高飛進邑庠曾孫秉章漢章
俱貢生庠生楷燦藜青藜燃藜渭璜皆其裔傳六代子孫至二百
餘人督學何廷謙臨潮表曰歐荻延祥光緒閒崇祀節孝祠同上

林氏倪成宗妻年十八于歸六載夫亡遺二子昭忠昭盛氏矢志
撫孤辛苦萬狀以臻成立次子昭盛娶張氏五載而亡遺孤兒一

婦感姑賢德同詠柏舟

同上

蔡氏古巷鄉陳世庚妻年十七于歸陳氏二十七歲而寡無子以姪爲嗣家故貧嗣子不能有爲氏紡績自給每當風霜寒夜篝鐙熒熒紡聲猶達旦也年八十六卒又邱氏陳惠馳妻卽蔡氏從姪婦結褵數載遽失所天撫一遺孤長不能體親志氏惟儉惟勤此外一歸之命卒年七十八巡道李公煒煜以荼蓼風清合表其閭

同上

郭雙節俱鳳廓人一林氏庠生郭雄才妻一鄭氏貢生郭行紀妻兩人親妯娌林氏鎮原令林昂霄女幼知書能勵夫學業夫病薰沐禱天願以身代迨歿觸棺嘔血幾斃以娣婦鄭氏子迪道兼嗣

海陽縣志

卷四十四

列傳十三

二十九

迪道生未兩月翁遽故二氏哀毀盡禮越七月鄭氏方十九歲又失所天時姑哭慟氏獨勉強解顏夜撫孤兒則淚溼枕席氏父制軍鄭大進其家每遣人慰解氏辭之曰吾子長便有出頭日母徒強聒令人悲蓋矢志已堅也未幾姑繼逝二氏哀慟逾常治喪各如禮迪道少多病二氏辛苦調護歷數年有異人授以藥病尋愈服屬有欺氏孤寡者氏以誠相感卒能悔悟林氏年逾七旬室中慍如軍容足迹不履戶外日事鍼黹以餘貲濟貧乏修橋路鄭氏苦節六十餘載治家整肅禁戒華靡有古賢母風性好施獨不喜巫尼募化道光壬辰歲饑罄所積賑鄉里族人賴之親鄰有勵孀守者動引二氏爲楷模焉同治十二年癸酉旌表題其坊曰節

孝雙旌

上同

李貞女鶴巢鄉人許字徐隴鄉徐金年十七親迎有日金病篤請迎女父母難之女慨然請行入門未合昏已彌留數口旋故女矢志守貞翁姑爲之立嗣卒年八十二

上同

程氏龍湖鄉人適本鄉黃氏子伉儷甚篤夫早逝婦懷孕臨蓐得男閱六載姑謀改適婦無如何痛哭自經焉

上同

郭氏上莆都冷頭鄉謝廷沛妻年十七于歸越四載夫亡時遺孤三歲氏矢志靡他族人欺氏少寡欲占其田產逼之嫁氏無如何往泣訴於夫靈前魂帛邑喪事靈前忽冉冉軒舉族人聞其事皆懼不敢逼氏乃得遂其志卒年六十有五

上同

海陽縣志

卷四十四

列傳十三

三十

曾氏鯤江鄉張紹德妻于歸月餘夫亡堅守冰操以姪進業繼夫嗣娶東鳳鄉陳氏爲媳未幾進業復卒僅遺孤雛陳氏慕姑閨範亦矢志不貳人稱雙節云

上同

陳氏東莆湖尾鄉陳開育女年十八適宏安鄉許佑傑踰四載佑傑卒氏撫遺腹子惟旺矢志不移娶媳林氏未幾惟旺又歿媳年二十三痛姑少寡傷夫病亡亦誓死相依撫養遺孤以迄成立

上同

陳貞女秋溪都八角樓鄉人父陳同遇母張氏同胞弟二長應章次唯章貞女生而端重言笑不苟隣人異之八歲喪母逾十年又遭父喪哀毀如禮貞女通翰墨又工鍼黹以故問名者踵相接貞女悉靡去之人未知其志也弟應章少不更事唯章方入塾讀書

貞女摒擋家務教訓弱弟井井有條未幾唯章娶許氏女許氏婉
婉與貞女雅相得乃未及兩載而唯章忽構厲疾貞女延醫調治
日夜籲天祈以身代卒不起時弟婦呼天搶地幾不欲生貞女慰
勉之爲殯葬成禮且謂之曰若願守柏舟操余將與若偕徐謀爲
吾弟立後可也爰擇族中兒端重者俾承弱弟祧字曰蟾居蟾居
時方襁褓乳哺須人貞女以糕飯之屬餌之出入顧復如自己出
聞者躉焉卒年四十六

同上

林氏西廂宮上鄉陳起望妻年二十于歸越二載夫歿時室如懸
罄朝不謀夕膝下又乏孤兒翁姑以時勢難處聽氏自爲去留氏
矢志靡他爲夫謀似續舅姑孝養一出紡績之資軋軋機聲徹夜

海陽縣志

卷四十四

列傳十三

三十一

不息鄉鄰咸欽重之卒年七十一

同上

林氏上莆都沈松齡妻年二十八夫卒撫三歲遺孤簡銘闔範甚
肅簡銘病故媳陳氏年二十二同姑孀守撫二子成立次子湘蘭

賦采芹孫曾尤濟濟眾多云

同上

王氏英塘人年十七適浮岡陳懷林七載夫歿子女皆無出矢志
孀守翁姑欲奪其志氏不從強逼不已氏乃夤夜踰重垣赴水死

族人陳方平爲作陳烈婦詩

同上

薛氏歸仁都農家女年十七適楓溪余大臨五閱月而大臨病卒

氏哀泣水漿不入口越十二日夫喪葬畢遂投繯死

同上

陳氏大和都人年十八適趙從保事舅姑得其歡心越七載夫亡

遺孤五歲家無儋石氏忍死治家縫紝辟績易米鹽以養舅姑孤名世齡及長令耕田孫唯誠頗慧令讀書又欲其親師友凡有過訪雖饔飧不自給猶典裙釵款留唯誠乃得以長益成名卒年六十有四

同上

吳氏龍溪都官路鄉人適陳宜開踰年生一子宜開外出經紀不歸氏在家紡績度日不數年宜開病故氏聞訃慟不欲生其姑年邁勸以死節事小撫孤事大乃已每日養姑撫兒外惟事女紅及子長娶郭氏女爲媳踰年子又亡媳憫姑瑩瑩無依願奉以終身寢食與共茹苦含辛無疾言遽色閭里賢之卒年六十有九

同上

蔡貞女三妹東莆高廈鄉農家女頗識字幼許字沙溪頭陳姓未

海陽縣志

卷四十四

列傳十三

三十一

結褵夫遽外出迨婚期屆父趣夫家奠雁夫爽約微有爲女改適意女知之誓不貳久之陳無還耗父遂奪志離婚強配與五嘉隴葉姓女知父意難回遂自縊亡時年二十

同上

柯氏陳源晃妻年十七適源晃越九年生一子源晃病卒家徒壁立氏矢志守節事姑特謹滫瀡甘旨之供一資紡績子數歲就傅無資斧氏親課督有義方鄰里以是稱賢節婦云卒年三十六

同上

洪貞女敏娘上莆都人州同洪朝光次女質性聰慧頗涉羣書知大義少許字同都許氏子未于歸許乃挈眷商新嘉坡因家焉嗣從西洋耶蘇教娶教女貽書與洪辭婚女聞泣下曰婦人從一而終旣已許之願守志不二以待其歸遲之久見許無歸志遂絕粒

卒年二十有六

同上

陳氏李學松妻年二十八夫歿痛不欲生翁姑力勸乃延殘喘以治喪事至七月初喪畢遂決意絕粒亡

同上

黃貞婦林氏在城林光興女幼許字黃起盛年十八將婚而起盛卒氏聞訃請奔喪父母不許氏乘閒夜命一嫗導至夫家方叩門父已追及強之返則大哭姑開視以其志堅乃納之家素封氏盡屏妝飾雞初鳴卽起操作事姑克盡婦道夫兄感其誼以子鵬翔爲氏嗣氏撫之如己 道光壬辰癸巳邑大饑氏出金三百賑濟咸豐甲寅土寇圍城兵饟缺乏氏助金三千又捐穀二百石入倉其明大義如此督學章鋆臨潮表曰貞孝可風卒年七十七同治

海陽縣志

卷四十四

列傳十三

三十三

閒崇祀節孝祠

同上

黃貞婦陳氏在城陳先造女幼許字黃鵬振鵬振連遭父母喪繼以病卒氏年十六聞訃泣請奔喪父母夫族皆以氏年幼莫之許氏堅臥數日以死誓卒歸黃氏養子履謙爲夫嗣事夫諸伯父母如事舅姑家政無大小一稟命焉夫有弟僅六齡氏竭蹶攜提及冠復逝乃迎其婦祝氏歸立嗣以繼其後咸同光緒閒與祝氏迭次捐貲助軍餉俱膺 誥命卒 旌表貞節崇祀節孝祠

同上

翁氏東廂意溪鄉鍾時福妻年二十二時福亡氏搶地呼天誓不欲生妯娌多方勸慰始勉進湯粥越月遺腹生男士元氏乃曰今有遺孤雖緩死亦可對泉下人矣然家徒壁立無以爲生氏日夜

勤鍼黹以養孤兒性又好施饗飧不自給猶時以所飯飯丐者鄉里皆賢之卒年九十三孫大斌增貢生曾孫靈香山縣訓導鴻達福建馬巷通判後嗣濟濟咸謂貞節之報光緒六年元孫福建知縣佩芳撫其苦節聞於閩浙總督何璟請旌於 朝奉 旨建坊黃貞婦曾氏隴尾曾聲琦女幼許字東邊鄉黃迎福次子成安年十八將成婚矣咸豐乙卯成安遽病歿氏聞訃廢寢忘餐幾十餘日母驚曰人而眠食俱廢惡得生汝意云何盍告我氏曰我生爲黃家人死作黃家鬼欲我生遣媒告黃家往彼守制其可父母不得已從之翁嘉其志節與約曰入我門不得歸甯親戚來往先稟姑知有話言惟在堂上撫螟蛉子當過所生三事依我始可應諾

海陽縣志

卷四十四

列傳十三

三十四

氏一如翁命登堂發哀守孝盡禮自是足不踰闕奉尊嫜盡孝撫嗣子以慈年三十二卒

同上